

YAHYO FAYOZ

BAXTIMIZNING
ZAR TUMORLARI



SHE'RLAR

KITOBIM



BIRINCHI

2
4

**Kitob shu erda ko'rsatilgan muddatdan
kechiktirilmagan holda topshirilishi shart**

ilgarigi berilmalar miqdori _____

--	--

O'ZBEKISTON YOZUVCHILAR UYUSHMASI
"IJOD" JAMOAT FONDI

YAHYOXON FAYOZ

BAXTIMIZNING ZAR TUMORLARI

She'rlar



TOSHKENT
"ADABIYOT"
2020

Sen deganda bobonin

Kel, o'ynaylik

0505, 0505, 0505
0505, 0505, 0505




Nashr uchun mas'ul:
Sirojiddin SAYYID,
O'zbekiston Yozuvchilar uyushmasi raisi

Mas'ul muharrir:
Rustam Musurmon

Yahyoxonning she'rlarida, boshqalardan farqli o'laroq, ona yurt sog'inchi, bolaligi kechgan damlarni, yaqin kishilarini qo'msash kechinmalari yetakchilik qiladi. Hatto dala-dashtda mung'ayib turgan cho'ponning g'aribgina kulbasining qadr-qimmatini ham egasi uchun qasrnikidan kam emasligini ilg'ash, his etish uchun kishida o'tkir qalb ko'zi, hassos va mehr-muhabbatga to'la ko'ngil bo'lishi lozim. Ota-ona, qarindosh-urug'larni-yu kindik qoni tomgan go'shalarni qalb qo'ri-yu qalami bilan ulug'lay-ulug'lay yosh shoirimizning o'zi ham Boysun tog'laridek ijodiy ulug'likka bo'y cho'zayotganidan mutaassir bo'ldik. Sizga-da ushbu ezgulikni ilindik, aziz kitobxon.

Ushbu kitob 2018-yili O'zbekiston Yozuvchilar uyushmasi o'tkazgan Respublika yosh ijodkorlarining Zomin seminarida nashrga tavsiya qilinib, "Ijod" jamoat fondi tomonidan moliyalashtirilgan.

ISBN 978-9943-6472-8-2



© Y. Fayoz, 2020
© "Adabiyot", 2020

TONGGI MAKTUB

Yahyoning she'rlarini to'rt-besh yillardan buyon o'qib kelaman. Yozgan she'rlari munosib deb topilgani uchun u yosh ijodkorlarning an'anaviy "Zomin" respublika anjumanida qatnashgan. Shu yillar davomida adabiy muhitdan bahramand bo'lgani, o'qib-o'rgangani uchun avvalgidan ko'ra ancha o'sgan. "Chaqmoq chaqar bulutni yorib, Go'yo ko'kning qo'lda chirog'i", "Hayot qirlariga narvonsan, Pog'onadan o'tayotgan men", "Ko'ngil kuymas oftobda aslo", "Osmonga ko'rkdir yulduzlar" kabi satrlari tongga intiq bo'lgan umid oqshomidagi shamdek miltillaydi. Bu oqshomda bitilgan qo'lyozmalar tongda kitobxonlar ko'ngliga maktub bo'lib yetib borishini istayman.

Umuman, har bir she'r sipoyi so'zlar va silliq qofiyalar yig'indisi emas, betakror kompozitsiyaga ega asar – so'zsan'ati namunasi bo'lishi kerak.

Qoraqalpoq shoiri Muhammad Xo'shonning bir she'rini o'qidim, lirik qahramon – boboning nabiraga murojaati bekinmashoq o'yini vositasiga qurilgan:

*Sen deganda bobongning yo'q to'yimi,
Kel, o'ynaylik
Bekinmashoq o'yinin.*

“Avvalaman” so‘zin ulgi etaman,
 Sen qolasan,
 Men yashirinib ketaman.
 O‘yin sharti qattiq, bilmas “obbo”ngni,
 Sen topib ol,
 Izlab o‘rgan bobongni.
 Izla meni yaqin yerdan, olisdan,
 Topolmasang,
 “Qaydasiz?!” deb tovushla.
 Kelishaylik, shunday mening talabim,
 Meni topsang,
 Meniki bu g‘alabam.

Demoaqchimanki, she‘r ana shunday ob-
 razli bo‘lsin, so‘zning ko‘chma ma‘nolari
 kashf etilsin, “kosa tagida nimkosa” bo‘lsin.
 Men Yahyoga ijodiy muvaffaqiyat tilayman.

Rustam MUSURMON,
 Qoraqalpog‘iston xalq shoiri.



ONA DIYORIM

Bu Vatanning ildizlari
Hikmatlardan iborat.
Hikmatlari ulkan kitob,
Kitoblari – imorat.

Har qadamda orzu gullar,
Ey, tuprog‘i jo‘mardim.
O‘zingdirsan ilk bahorim,
O‘zing dilda ardog‘im.

Ziyo istab zulm chekkan
Qodiriy ham Cho‘lponim.
Osmono‘par cho‘qqilarni
Uyg‘otgansan, cho‘ponim.

Diyorimda Inson aziz,
Shunday bo‘lgan azaldan.
O‘zbek elim mehnatidan
Mo‘jizalar yaralgan.

Qulog‘imda elas-elas
Onam aytgan alla sasi.
Balki, shundan qalbdan mangu,
Yurtga bo‘lgan mehr darsi.

Ufqqa tutash tog'laringday

Yuragimda g'ujurim qat.

O'zingdirsan ko'ngil ka'bam,

O'zing mangu muhabbat.



Mo'jizalar yaratgan.
O'zbek elim inqilobidan
shunday bo'lgan azaldan.
Rustam MUISURMON,
Diyorimda Inson azis.

Yurtga bo'lgan mehr darsi.
Balki, shundan dalilida mangru,
Onam aytgan ails sasi.
Qulog'imga elis-elis.

ADIBLAR XIYOBONI

Qo'lda qalam, dilda soz,
Ayni ijod zamoni.

Shoirlar topdi e'zoz,
O'tdi yaxshi-yomoni.

Ma'rifatning zaboni –
Adiblar xiyoboni.

Abdulla bobom bunda,
Tilar bizga zafarlar.

“Bolam ijod qil” deydi,
Bo'lmas endi xatarlar.

Ezgulikning karvoni –
Adiblar xiyoboni.

Hurriyat, deb o'tganlar
Yodi har dam yoddadir.

Taqdirning chig'irig'i
Ko'kda turgan zotdadir.


Qodiriyning armoni –
Adiblar xiyoboni.

Erkin Vohid poyiga
Gullar qo'yib o'tarman.

Adabiyot zahmatin
Dildan tuyib o'tarman.

Xotiralar ayvoni -
Adiblar xiyoboni.

Yuragimdan to'kilgan
Hayratlarim she'r bo'ldi.
Boqib ustozlarimga
Kichik jussam sher bo'ldi.
Buyuklarning narvoni -
Adiblar xiyoboni.




YOMG'IR

Samo uzra bulutlar chopar,
Gumburlaydi samoviy shotir.
Bu bahoriy ajib tarovat,
Mayin-mayin yog'adi yomg'ir.

Shitirlaydi daraxt yaprog'i,
Tomchilar-la o'pishgan chog'i.
Chaqmoq chaqar bulutni yorib,
Go'yo ko'kning qo'lda chirog'i.

Yomg'ir yog'ar adirlar uzra
Maysalarning silab yuzidan.
Kulib qolar borliq tabiat
Tomchilarning shirin nozidan.



BOYSUN

Boysun!
Bobomning qiyshaygan dala shiyponi,
Momomning armoni ko'milgan tuproq.
Qor, yomg'ir yog'sa-da pirqirab, ammo
O'chmagan yo'llarim yoritgan chiroq.

Otamning bag'riday kengliklar, yana
Onamning' o'rnida mo'tabar ona.
Azim chinorlaring sog'inib keldim,
Sog'inchim varaqqa to'kkanman, mana!

Boysun!
Akamning ko'ngliday musaffo osmon,
Ukamning mehriday tugamas daryo.
Saraton eritmagan qorlaring ko'rkam,
Do'ppining to'rt yarim oyidir go'yo.

Hech kimga aytmagan sirlarim senda,
Bolalik yashringan qirlarim senda,
Ilk sevgim bitmagan dil daftarimda
Va qancha sevilgan dillarim senda.

Boysun!
Toabad ko'ksimda qadrli diyori,
Xarsangtoshlaringday sog'inch zalvori.
Bir shoir o'g'lingman, qabul et, ona,
Shudir muhabbatim, ko'ngil izhorim.
Boysun...

* * *

Ilhom berar qishloqning hatto
Xarsangtoshga qo'ngan g'ubori.
Ko'nglim osmon, g'ururim tog'dir,
Daryo bo'lar tog'larning qori.

Shahar go'zal, shahar xushqomat,
Bu haqiqat, etmayman inkor.
Ammo bizda boshqacha nasim,
Tonglarida gul ifori bor.

Qumg'onlardan choy ichgan cho'pon
Adirlarda dunyoni ko'rgan.
Men olislab ketgan mahallar
Tushlarimga keng yaylov kirgan.

Bobodehqon marddir, u tanti,
Qo'lda ketmon, tolsa asodir.
Duo bersa pirlar, eshonlar,
Polvonlari kurashga hozir.

Ey, ona yurt, ey, ona tuproq,
Senga har dam qilaman havas.
Men madhingni yozaman bot-bot,
Baxtinga sen omon bo'lsang, bas.

BOLALIK

Ufq ortiga bekingan quyosh,
Qaytib chiqmas, endi u o'zga.
Balki, olis ko'kdagi yulduz
Yalt-yalt etib ko'rinar ko'zga.

Bolalik!

Bu - hayot tongidir,
O'z domiga tortdimi yo tun?
Qaylardasan, ko'zlarim giryon?
Men telbaning yurak-bag'ri xun.

Bildim!

Endi qaytib kelmasliging rost,
Olib ketdi o'sha shamollar.
Yo'q! Qaytib kelasan, balki,
Sursam shirin-shirin xayollar.

Bolalik yillar, eslonlar,
Va qancha sevilgan dillarim senda,
Boysun!
Men mahabbatni yoqsam dot dot,
Baxtingiz sen omon dolsang pas,
Xarshingizni mahabbatim sag'irchi zarfori.
Bir shoir o'g'lingman, qabul et, ona,
Shudir muhabbatim, ko'ngil izhorim.
Boysun...

POG'ONA

Olislarga tikildim olis
O'tmishimni ko'zdan kechirdim.
Xayollarni g'amlardan xolis
Bolalikka tomon uchirdim.

Qanday shirin damlar edi, eh!
Tuproq kechib chopganlarim rost.
Tunlar shirin xayollarimda
Yulduz quchib yotganlarim rost.

Bolalik!
Sen olislab ketgan karvonsan,
Nortuyada ketayotgan men.
Hayot qirlariga narvonsan,
Pog'onadan o'tayotgan men.
Pog'onadan o'tayotgan men!

KECHIRGIN, ONA

Shovqinli shahardan bezdim, onajon,
O'ziga chorlaydi qishloq shamoli.
Sog'inding o'g'lingni, sezdim, onajon,
Nelarga band bo'ldi mening xayolim?
Kechirgin, onajon, kechirgin meni.

Sabr-u toqat bilan yuraging to'lib,
Umidga o'raysan sevinchlaringni.
Men esa notavon, beparvo bo'lib,
Kuttirdim orttirib sog'inchlaringni,
Kechirgin, onajon, kechirgin meni.


14

Bugun ham qo'limga dasta gul olib,
Sevganim yoniga otlandim yana.
Mehribon, mushtipar, rahmdil qolib,
O'tkinchi tuyg'uni yodladim, mana.
Kechirgin, onajon, kechirgin meni.

Biroz kech bo'lsa-da kirdi-ku aqlim,
Onajon, yoningga chopib boryapman.
Dunyoda yagonam, poyi jannatim,
Ko'zingda sog'inchli namlar ko'ryapman.
Kechirgin, onajon, kechirgin meni.

Boshimni silading yonimga kelib,
Baxtiyor hislarga ko'mib o'zingni.

Sen uchun ne qildim, ayt, o'g'il bo'lib?!
Ko'zimga surayin bosgan izingni,
Kechirgin, onajon, kechirgin meni.



JANNAT ISTASAM

Onajonim, siz o'zingiz davlatim,
Mayligami sizni quchib yig'lasam?
Ta'zim qilay yetti bukib savlatim,
Poyingizni o'pay, jannat istasam.

Dardga to'la, g'amga to'la ko'zingiz,
Ajini bor, ammo nurli yuzingiz,
Topolmayman, gar yo'qotsam izingiz,
Poyingizni o'pay, jannat istasam.

Parvonasiz sahargacha alla aytib,
Madhingizni kuylay, ona, yalla aytib,
Nodon ko'ngil orzu tomon ketdi daydib,
Poyingizni o'pay, jannat istasam.

Meni o'ylab chekkaningiz zahmat, onam,
Qulluq qilay to o'lguncha, rahmat, onam,
Oyog'ingiz ostidadir jannat, onam,
Poyingizni o'pay, jannat istasam.

Zulmat tunda yo'llaringa charog'imsiz,
Mehringiz hech qurimaydi, bulog'imsiz,
Dardlarimdan, sirlarimdan ogohimsiz,
Poyingizni o'pay, jannat istasam.

OTA

Nurli chehrangizni sog'indim, ota!
Uyga suvratingiz ilib qo'yganman.
Hatto islaringiz qo'msab qolaman,
Eski chopeatingiz olib qo'yganman.

Armon zanjirlarin uzib bo'lmaydi,
Yurak-yuragimga tutashib ketgan.
Sog'inch, sog'inch ezar, buncha og'ir yuk,
Barxanlar misoli qalashib ketgan.

Bahorlar keladi – azaliy ko'klam,
Ko'karsin qabringiz uzra gul-lola.
Bu yorug' olamda yuragim kemptik,
Men havaskor shoir, dilxasta bola...



* * *

Dil g'ashlanar, ko'zda yosh qalqir,
Xotiralar qaytaverar bot.
Xayollar ham goh olatasir,
Bolalikni aylaganda yod.

Sado kelar olis-olisdan,
Tuproq ko'cha kezgan senmiding?!
Tong saharlab saxiy polizdan
Hidlab qovun uzgan senmiding?

Qo'lda bolta, belimda arqon,
Yelkam yag'ir qilgan o'tinlar.
To kechgacha orqalab samon,
Shundan zavqli edi u kunlar.

Qo'shni bog'dan tosholma uzib,
Toshdevordan oshganim esda.
Araz-araz va yarash-yarash,
Yoshlikdagi do'st "g'anim" esda.

Ajib edi, xo'p ajib edi,
Beboshlikning qaysar yuzi bor.
Tosh ko'chaning toshlari muhr
Oyoqlardan ketmas izi bor.

Xayol bir dam bermaydi tinchlik,
Tushlarimda bo'laman ozod.
Xasta ko'nghim, voh, tilik-tilik,
Bolalikni aylaganda yod.

CHO'PONNING UYI

Bir tomon kenglik, bir tomon so'qmoq,
Tog'-u toshlar-u o'tloqlar bunda.
Barcha hasad-u yolg'ondan yiroq,
Mung'ayibgina turar bir kulba -
Cho'ponning uyi...

Eskirgan yog'och eshik namiqqan,
Pirpirar shiftda ilingan chiroq.
Tun bo'yi shamol o'ynoqlab chiqqan,
Tutar habash qumg'on va g'arib o'choq -
Cho'ponning uyi...

Ilk quyosh o'sha kulbaga boqar,
Yaylov ko'rk ochib to'laydi o'lpon.
Olisdan qo'ylar ma'raydi cho'zib,
Tunda mol boqib qaytadi cho'pon
O'sha qasrga - g'arib kulbaga...

BILMABMAN

Sevib qolmoq, aslida, qiynoq ekan, bilmabman,
Parchagina yurakni o'ymoq ekan, bilmabman.

Men jondan sevib qoldim, u ham meni sevarmi?
Uzun-uzun tunlari so'roq ekan, bilmabman.

Bo'lib butun dil yarim, ko'zdan uyqu qocharkan,
O'tli-o'tli sog'inch-u firoq ekan, bilmabman.

Chindan oshiq mardumga begonamas bu dardlar,
Shundan huzur-halovat yiroq ekan, bilmabman.

20

Jondan o'tar gohida go'zallarning nozlari,
Ba'zan shirin joningdan to'ymoq ekan, bilmabman.

Jism-u jonim kuydirib, bag'rim kabob aylagan,
O't-olovdan bir ko'ylak kiymoq ekan, bilmabman.

Chidaganga chiqargan, buni sevgi der ekan,
Har qadamda ming sinov, so'qmoq ekan,
bilmabman.

Xayol bir dam bermaydi tinchlik,
Tushlarimda bo'laman ozod.
Xasta ko'nglim, voh, tilik-tilik,
Bolalikni aylaganda yod.

BEKOR-DA

Sevdim desang tilingda, dil yonmasa, bekor-da,
Go'zal aytgan so'zingga ishonmasa, bekor-da.

Sevdim degan so'zingdan gullab ketsa chamanlar,
Lekin bir qiz ko'ngliga o't solmasa, bekor-da.

Nigohingdan o't chaqnab, boqishingga hamma lol,
U ham seni ko'rganda uyalmasa, bekor-da.

Uzun tunlar bedorsan, xayollaring parishon,
Har bir chekkan ohlaring kuy bo'lmasa, bekor-da.

Bir kun sevib qolar u garchi sendan kuchliroq,
Ikki dil ham sevsa-yu, to'y bo'lmasa, bekor-da.

Shoirman deb, Yahyoxon, qalam olsang qo'lingga,
She'r yozmoqqa dard bilan o'y bo'lmasa, bekor-da.

SHIRIN TUYG'U

Muhabbat qanday tuyg'u,
Buni sevgan biladi.
Gohi shodlik, goh qayg'u,
Yo ustingdan kuladi.

Kimdir deydi Majnunman,
Yana kimdir devona.
Kimdir jondek sevaman,
Deya bo'lur parvona.

Kimning qanday taqdiri,
Tole kular qaytmasang.
Qiz bola nozik dili,
Qaydan bilsin, aytmasang.

Sevgi yo'qdir kim uchun,
Balki, shu g'am yaxshidir.
Rostin aytsam, men uchun
Sevgi hayot naqshidir.

bilmabman.

SOG'INIB YASHAYMAN

Shu tuproqda kindik qonim to'kilgan,
Olis ketsam, eh, og'rinib yashayman.
Fayoz bobom, otam, onam tug'ilgan
Qishlog'imni men sog'inib yashayman.

Menga aziz to'zg'igan har xasi ham,
Munglimi, sho'x mullato'rg'ay sasi ham.
Bag'rin ochib go'yo deydi kel, bolam,
Qishlog'imni men sog'inib yashayman.

Olovlarda qoraygan huv o'choqlar,
Tandir nonin yesam, ketgay charchoqlar.
Unut bo'lmas go'daklig-u sho'x chog'lar,
Qishlog'imni men sog'inib yashayman.

Munchog'imsan, ham ko'ksimda tumorim,
Madhing yozib shoyad ketsa xumorim,
Ona tuproq, ey sajdagoh diyorum,
Qishlog'imni men sog'inib yashayman.

QISHLOG'IM

Umrim bahori, go'zal damlarim,
Chanqog'im qondirgan o'sha bulog'im.
Tinch qo'ymas dilimda bisyor g'amlarim,
Sog'indim, qaytaman senga, qishlog'im.

Musofir yurtlarda bu jonim halak,
Tong-sahar esgan yel mehringdan darak,
Onajon, sog'indim misoli go'dak,
Sog'indim, qaytaman senga, qishlog'im.

Hayotning yo'llari bir baland, bir past,
Gohida yelkamga toshday botdi xas,
Kel deya quchog'ing ochganlaring rost,
Sog'indim, qaytaman senga, qishlog'im.

Esladim yig'lasam, esladim kulsam,
Qaniydi bir yomon o'g'ling bo'lolsam,
Roziman, poyingga bosh urib o'lsam,
Sog'indim, qaytaman senga, qishlog'im.

Qaytaman ortimga, yelday yelaman,
Tuprog'ing o'pib zor yig'lab kelaman,
Qabul et, Yahyoxon Fayoz bo'laman,
Sog'indim, qaytaman senga, qishlog'im.

Tor ko'ksimning dil lavhiga
Aziz isming o'yib yozdim.
Menga orzu visolingni,
She'rlarimda suyib yozdim.

So'nmas ishqim o'zinggadir,
Go'zallardan qiyib yozdim.
O'ylaganda jamolingni
Har lahzadan kuyib yozdim.

Kechib ho-yu havaslardan,
Har shubhadan tiyib yozdim.
Yaratganim, sen go'zalsan,
Gumonlarni qiyib yozdim.

Va'dangga hech xilofing yo'q,
Sajdaga bosh qo'yib yozdim.
Jannatlarda jamolingni
Ko'rayin, deb kuyib yozdim.

BOLALIKNI ESLAB

Ketdi yoshlik, ketdi bolalik,
Endi dilga berolmayman erk.
Ham beg'ubor qayg'ular ketdi,
Sho'xliklarning eshiklari berk.

Shag'altoshlar tovon ezmaydi,
Chaqirtikon og'ritmay qo'ygan.
Ko'ngil nozik yig'loqi bola,
G'iybat, mish-mish gaplardan to'ygan.

Yo'l bo'yida xazonrezgilar
Shamollarga bandi barg nochor.
Shu shamollar uchirgan umr
Qaytmagaydir endi takror.

Chang'aroqdan termuladi oy,
Bolalikda shunday ko'rganman.
O'zgarmagan hatto kattasoy,
Men-chi, o'ttiz birga kirganman.

Qaytaman ortimga, yelday yelaman,
Tuproq'ing o'pib zor yig'lab kelaman,
Qabul et, Yahyoxon Fayoz bo'laman,
Sog'indim, qaytaman senga, qishlog'im.

SHE'RIYAT

Netay she'rim og'riqli bo'lsa,
So'z ishqidan ko'ngrimni g'ashlab.
Qayga to'kay yuragim to'lsa,
She'r yozishni qandayin tashlay?!

Yuragim ishq deya yig'lasa,
Qanday ortga qaytaman, axir?!
G'am-anduhlar bag'rim tig'lasa,
Dardim kimga aytaman, axir?!

Netay, ruhim she'r yozgin desa,
Yuragimga yetmaydi kuchim.
She'r yozishni tashlagan kunim
Olov bo'lib yonadi ichim.

She'riyat, bu – katta yo'l demak,
Shundan yurmoq istadi dilim.
Ortingga qayt, Yahyo, demanglar,
Ortga qaytmoq shoirga o'lim.

O'TKAN KUNLAR

Bekning hamon ko'nglidan ketmas,
Har tong, har tun bag'rini xunlar.
Baxt izlagan ko'ngillar shikast,
O'tkan kunlar, oh, o'tli kunlar.


Kumushbibi gul edi, esiz,
Zaynab esa yasholmas beksiz.
Qodiriyni yig'latganmisiz,
O'tkan kunlar, oh, o'tli kunlar?!

Otabekni qo'rqitmagan dor,
Ajalgaga tik boqqan qutidor,
Homidga so'z kor qilmas zinhor,
O'tkan kunlar, oh, o'tli kunlar.

O'zbek oyim, o'zgacha oyim,
Gap boshlasa, qiyomat qoyim.
Meni ta'qib qilar har doim
O'tkan kunlar, oh, o'tli kunlar.

Siz o'shami, deganda Kumush
Ishqin izhor aylagan emish.
Chin muhabbat armon bo'p qolmish,
O'tkan kunlar, oh, o'tli kunlar.

Xotiradir kunlar o'tgani,
Moziylardan so'zlab yotgani,
Qodiriyini xotir etgani,
O'tkan kunlar, oh, o'tli kunlar.



KAM BO'LMASIN

Yigit boshi xam bo'lmasin,
Kipriklari nam bo'lmasin.
Hayot baxtlar bersin butun,
Hech bir yigit kam bo'lmasin.


Kurash tushib maydonlarda,
Savlat to'ksin ayvonlarda,
Yiqilmasin armonlarda,
Hech bir yigit kam bo'lmasin.

Yov zarbiga bo'lmay taslim,
Ajaj jonin qilmay hazm,
Ot yiqilsa, itga bazm,
Hech bir yigit kam bo'lmasin.

Hayot, balki, sinab ko'rar,
Dard boshini sinab ko'rar,
Hammasiga yigit ko'nar,
Hech bir yigit kam bo'lmasin.

Chaqimchilar karnay chalib,
Go'rdan olib, go'rga solib,
Bu maydonda mardlar g'olib,
Hech bir yigit kam bo'lmasin.

Yahyo, butun saqla oring,
Iymon doim bo'lsin yoring,
Yaratgandan bitta zoring,
Hech bir yigit kam bo'lmasin.



Shoirlar she'r bitta alam
Avval ko'ngil o'zgarib chiqib
Parvasidan bo'lgan
Kuyuk
Bir go'zalga shaydolar etib
Jaranglar
Yuragimni yaralagan.

Yoshlik bahar bahor derlar
Muhabbat sen - sevgining qusur
Yarab rohat - zavq bo'lib
Bog'im ichid o'ralagan.
Keksalik
Yursam - bursam, uxlasam - tushim,
Hech bir haddi o'qib
Yuragimni yaralagan.

Osmonga ko'rkdir yulduzlar,
Dunyoda kim kimni izlar,
Yigitlarni sevsan qizlar,
Sevsin shunda bari bilan.

MUHABBAT

Muhabbat, sen vujudim uzra
Tuyg'ularni saralagansan.
Xayollarim to'zg'itib, so'ngra
Yuragimni yaralagansan.

Avval ko'ngrim oynasin chertib,
Pardasidan mo'ralagansan.
Bir go'zalga shaydolar etib,
Yuragimni yaralagansan.

Muhabbat, sen – sevgining qushi,
Bog'im ichra oralagansan.
Yursam – hushim, uxlasam – tushim,
Yuragimni yaralagansan.

Hayot, balki, sinab ko'rar,
Dard boshini sinab ko'rar,
Hammasiga yigit ko'nar,
Hech bir yigit kam bo'lmasin.

Chaqimchilar karnay chalib,
Go'rdan olib, go'rga solib,
Bu maydonda mardlar g'olib,
Hech bir yigit kam bo'lmasin.

BORI BILAN

Er yigitlar bu dunyoda
Yashar nomus-ori bilan.
Sevgi ahli shodon bunda
Jondan sevgan yori bilan.

Shoirilar she'r bitsa alam,
Yig'lab dardin aytar qalam.
Kuyga solar hofizlar ham,
Jaranglagan tori bilan.

Yoshlik qaytmas bahor derlar,
Ters oqmaydi anhor derlar,
Keksalik gashti bor derlar,
Boshga qo'ngan qori bilan.

Osmonga ko'rkdir yulduzlar,
Dunyoda kim kimni izlar,
Yigitlarni sevsa qizlar,
Sevsin shunday bori bilan.

YOR-YOR

Men ko'nglimni ovutolmadim,
Sevgim yig'lar armon ko'chada.
Quloqlarim berkitolmadim
Senga yor-yor aytgan kechada.

Nigohlarim sakragan ohu,
Gohi zamin, goh ko'kka boqib.
G'urur qo'ymas ichmoqqa og'u,
Oshiq dilga orlanib boqib.

Chin muhabbat ketmaydi abad,
Iltimosim, demagin unut.
Aybdor bir o'zimman faqat,
Demadim-a, bir yilgina kut.

Sevgim yig'lar armon ko'chada,
Tomirlarda aylanar afsus.
Biz uchrashgan toshloq ko'chada
Nima deyman ko'rishganda yuz?

Yo'q, azizam, senda ham ayb bor,
Eslaganda yuragim og'rir.
Onajoning tergadi ko'p bor,
Suyganim bor, demading – shoir!

TOSHDAGI SADO

Sevdim desam tog'larga,
Sado qaytar – qo'y deydi.
Sevsang ham, sevmasang ham,
Bir kun bo'lar to'y deydi.

Shoshma deydi, shoshma der,
Bir kun yetar bo'y deydi.
Yoshlikdagi muhabbat
Shirin xayol, o'y deydi.

Hijronlarda qovrilsang,
Xayollarga ovunsang,
Orzularga topinsang,
Yaxshilikka yo'y deydi.

Payg'ambarning sunnati,
Kelar uylanish payti.
Yaratganning ne'mati,
Shu go'zalni suy deydi.

MUHABBATNING BOG'IDA

Shodon edim sen bilan
O'sha yoshlik chog'ida.
Kutar edim gul bilan
Muhabbatning bog'ida.


Yodimdasan, gulbadan,
Yo'l qarayman damba-dam.
Baxtli edim hammadan
Muhabbatning bog'ida.

Umidlarim uzilgan,
Baxt devori buzilgan,
Suratlaring chizilgan
Muhabbatning bog'ida.

Sog'inaman kun sayin,
Armonlarim kuylayin,
Darddoshim yo'q sendayin
Muhabbatning bog'ida.

Dilni yoqib gulxanda,
Halovatim yo'q tanda.
Yosh edim-da o'shanda;
Muhabbatning bog'ida.

Sevgiga gul tutaman,
Qancha alam yutaman,
Seni hamon kutaman
Muhabbatning bog'ida.



O'LSAM KERAK

Hijronlardan tondi yurak,
Muhabbatdan yondi yurak,
Seni jondan sevib qoldim,
Shu ishq bilan o'lsam kerak.

Ko'ngilda ishq alangasi,
Orzularning sho'x yallasi,
Keldi visol, baxt pallasi,
Shu ishq bilan o'lsam kerak.

Beqarorman, kecholmayman,
Sendan olis ketolmayman,
Balki, senga yetolmayman,
Shu ishq bilan o'lsam kerak.

Endi men yosh emas, axir,
Yuragim tosh emas, axir,
Muhabbatdan kuydi bag'ir,
Shu ishq bilan o'lsam kerak.

Gul vaslingga boqsam to'yib,
Erkalasam suyib-suyib,
Oyog'ingga boshim qo'yib,
Shu ishq bilan o'lsam kerak.

QADRDON

Umr – daryo, oqmoqda hamon,
Yillar o'tib, orzular armon,
Sog'inch dilga sanchganda xanjar
Qadringiz bilinar, qadrdon!

Shabnam titrar gul yanog'ida,
Sevgim yig'lar dil qarog'ida,
Dard-sitamlar ezgan chog'ida
Qadringiz bilinar, qadrdon!

Oshiq yurak rashkimdan zada,
Baxtli kunlar hamon yodimda,
Ko'zga uyqu kelmagan tunda
Qadringiz bilinar, qadrdon!

Men bilaman, xatoyim bisyor,
Sizsiz, hatto yashamoq bekor,
Zor ko'zlarim sog'indi diydor,
Qadringiz bilinar, qadrdon!

Mehr bilan baxtlidir inson,
Hayot ham bir berilgan imkon,
Sizni sevib yashayman hamon,
Qadringiz bilinar, qadrdon!

EGILDIM

Devonaman ko'yingda,
Aylandim-ku soyangga.
Gadoday ostonangda
Yiqildim.

Azoblar girdobida,
Sog'inchlar firog'ida,
Ko'zlaring qarog'ida
Egildim.

Baland edim osmonday,
Sarg'aydim-ku somonday,
Yo'llaringda xazonday
To'kildim.

Sevib senday zolimni,
Xarob aylab holimni,
O'tga solib dilimni
Kul bo'ldim.

MAKTUB

O'n yettida edi Asadbek,
Sevib qoldi qo'shni malakni.
Tunlar bedor to'lg'onar bo'ldi,
O'tga solib murg'ak yurakni.

Ko'ksi to'la titroq, hayajon,
Aytolmasdi sevgisin izhor.
O'z-o'ziga so'z berdi bir kun,
So'zlamoqni ayladi qaror.

Katta yo'lning boshiga chiqib,
Asad qizni kutib turardi.
Vujudini titroq egallab,
Yuragi ham tez-tez urardi.

Qiz maktabda o'qiydi hali,
Nasib qilsa, shu yil bitirar.
Yo'l chetidan sallona yurib,
Sumkachasin o'ynatib kelar.

Qizni ko'rib sevindi oshiq,
Titroq so'nib jur'ati o'sdi.
Muhabbatin etmoqqa izhor,
Parivashning yo'llarin to'sdi.

– Gulira’no, tinglang, iltimos,
Vaqtingizni bir zum olaman.
Gullar tutib so’z boshlar oshiq,
– Sizni jondan-jondan sevaman.

Bir zum sukut saqlab qizgina
Dedi: “Bunday so’zingiz bekor, –
Yerga qarab hayajon bilan
Past ovozda, – tanlaganim bor..”

Necha yillar o’tdi ketma-ket,
Uning hamon qizdadir o’yi.
Qulog’iga chalindi nogoh,
Erta-indin go’zalning to’yi.

Go’zal kelin bo’ldi qo’shni qiz,
To’y ham o’tdi, Asad yutqazdi.
Bir kun qo’shni qiz dugonasi
Asadbekka maktub tutqazdi.

Unda shunday so’zlar bitilgan,
Bir varoqmi yoki oz edi:
“Tanlaganim bor dedim sizga,
Bilmadingiz, bari noz edi.


Yo’lim to’sib, sevdim, dedingiz,
So’z boshlasam, jim demadingiz.

Sevganim siz edingiz asli,
So'rmadingiz, kim demadingiz".

Xatni o'qib oshiq jimgina,
Entikdi-yu, yumdi ko'zini.

Beparvolik qilgani uchun
Kechirolmas endi o'zini.

Aslida, bu oddiy she'r edi,
Ishq bo'lmasa, ijod, qalam yo'q.
Qizlar sizga "yomonsiz" desa,
Biling, sizdan yaxshi odam yo'q.



* * *

Men sevgidan vafo ko'rdim,
Degan bitta ovoza yo'q.
Ko'ray desam, bilay desam,
Tinglay desam, andoza yo'q.

Fig'on chekib, ohlar urib,
Yuraversam, yuraversam.
Oshiq dilni nimta qilib,
Yulaversam, yulaversam.

Boshimizda qolib ketmas,
O'lim degan omonat bor.
Buncha yomon bu ishq dardi,
Na bir sokin halovat bor.

Nedir tishlar, nedir chaqar,
Ba'zan noxush, ba'zan yoqar.
Sog'inchlari, azoblari
Dunyo qadar, dunyo qadar.

Unda shunday so'zlar bitilgan,
Bir varoqmi yoki oz edi:
"Tanlaganim bor dedim sizga,
Bihnadingiz, bari noz edi.

Yo'lim to'sib, sevdim, dedingiz,
So'z boshlasam, jim demadingiz.

SOG'INCH

Yillar otin qamchilab borar,
O'tgan umr-onlarim, esiz.
Sog'inch hissi ko'ksimni yorar,
Bu sog'inchlar cheksizdir, cheksiz...

Osmonlardan-osmon firoqlar,
Zamindan zil-zambil ayriliq.
Bunchalar zor, giryon qaroqlar,
Sog'inish ham ko'ngilga bog'liq.

Katta yo'lning boshida qolgan
Singillarim ko'zida sog'inch.
"Yetganda telefon qil" degan
Akalarim so'zida sog'inch.


Sog'inch Boysun, Toshkentga qadar
Xotiralar qoldirmoqda iz.
Men qishloqni qo'msab yashayman,
Bu sog'inchlar cheksizdir, cheksiz!..

Ko'nglim, ko'ngling qarshilar,
Ko'p bo'lsa ham qarshilar,
Rostin aytdim o'zingga,
Ko'ngil, ko'ngil o'zingda.

Yuz yil yashashimiz kerak, shubhasiz,
Qayta uchrashmoqlik umidida biz...
Qayta ko'rishmoqlik dargumon, ammo
Qaytaverar bizni uchrashtirgan kuz.

Yaproqlar to'kilar, oltin yaproqlar,
Bizning baxtimizning zar tumorlari...
Shitirlab nelarni so'zlamog bo'lar,
Balki, oshiq dilning ko'ngil zorlari.

Yuz yil yashashimiz kerak, shubhasiz,
Qayta uchrashmoqlik umidida biz!..



KO'NGLIM O'ZINGDA

Ko'ksida qon yurgandir,
Oshiqlaring izingda.
Nozlaringni qo'yib tur,
Ko'ngil, ko'ngil o'zingda.

She'rga solib hasratim,
So'zlamoqchiman dardim,
Kulgichlari go'zalim,
Ko'ngil, ko'ngil o'zingda.

Tunlarimni to'ldirgin,
Kunlarimni kuldirgin,
Boqishing-la bildirgin,
Ko'ngil, ko'ngil o'zingda.

Beparvo o'tma endi,
Bilinmas, o't na endi,
So'zlaring yutma endi,
Ko'ngil, ko'ngil o'zingda.

Ko'nglim, ko'ngling qarshilar,
Ko'p bo'lsa ham qarshilar,
Rostin aytdim o'zingga,
Ko'ngil, ko'ngil o'zingda.

ASR SEVGISI

Sevaman deb takror aytaman, mayli,
Bu so'zim aslida yurakning mayli.
Ishqimiz o'zgacha ta'rifi bo'lak,
Men Majnun emasman, siz emas Layli.

Xat yozmoq urf emas sms bor-ku,
Kun osha xiyobon muhabbat sayli.
Bu asr sevgisi topganimiz shu,
Men Majnun emasman, siz emas Layli.


Yarim tun telefon tushmas quloqdan,
Ko'zlarda uyqu yo'q, xayollar daydi.
Bo'shamay ko'zgudan, sochlar taroqdan,
Men Majnun emasman, siz emas Layli.

Gohida xafaman o'zimdanda-o'zim,
Naqadar kulguli shoirning bayti.
Biz kimni aldadik, ayting, yulduzim?
Men Majnun emasman, siz emas Layli.

Sevgimiz sarobmi, hechmikan yo kech,
Siz boshqa, biz boshqa sevamiz, mayli.
Lek aslo ulardek bo'lolmaymiz hech,
Men Majnun emasman, siz emas Layli.

Men ham bir muhabbat dallisi,
Jismimda jon halak, soyaman.
Bo'lsa gar ishqning chin Laylisi,
Sevishni o'rgatib qo'yaman.

O'rgatib qo'yaman Farhodga,
Ayting-chi, bormikan Shirinlar?!
Shoir bo'b solmasdim bayotga,
Yo'q bo'lsa ishq degan gurunglar.



ANGLASH

Orzularning yo'llari bisyor,
Yetolmayman hech adog'iga.
Alishmayman butun dunyoni
Otamning bir qo'l qadog'iga.


Bu hayotning baland-pastini
Otajonim mardona kezgan.
Shum umrning g'am-anduhlari
Yuzlariga xarita chizgan.

Faqat dardim aytdim kuyinib,
Tonglar otdi orqasidan kech.
Otam, balki, aytolmagandir,
Dardlarini so'ramabman hech.

Beparvolik, balki, yoshlikdir,
Goh mehrni qilganman kanda.
Otam bilan yonma-yon turib
Suratga ham tushmaganman-da.

Endi o'zni koyiyver, Yahyo,
Kech bo'lgani hammaga ayon.
Asli shunday o'tkinchi dunyo,
Otang ketdi qadding qib kamon.

Ko'zyoshlaring tinsa-tinmasa,
Rostdir seni tashlab ketgani.
Dardlaringni qog'ozga to'kkil,
She'r yozishdir kuching yetgani.



So'zlarim ro'yomas, emam, ro'yomas
Va qog'ozdagi namam, o'z xat.
Elning mardlarini bor, o'lmas,
Adolat, adolat, yana adolat.

* * *

Eshitdim, Surxonda gullabdi o'rik,
Tongdagi yellar ham iforli emish.
Shuurimda yashnagan xayolim ko'hlik,
Men esa Toshkentda tortaman xomush.

Sog'inchni ilgum bor o'rik shoxiga,
She'r aytib alqasam boboqirlarni.
Yetti yuz chaqirim olisdan turib,
Quchoqqa sig'diray keng adirlarni.

O'ylayman o'sma qosh, sunbul sochlarni,
Maysadek jonlanar eski xotira.
Qishloqning bug'doyrang sodda dillari,
Zulayho, Nargiza, Gulyuz, Nodira...

Eshitdim, Surxonda gullabdi o'rik,
Qalbimda nish urar tuyg'ular ilkis.
Zalvorli firoqlar yuragimga yuk,
Sog'inchlar cheksizdir, cheksizdir, cheksiz...

Endi o'zni koyiyver, Yahyo,
Kech bo'lgani hammaga ayon.
Asli shunday o'tkinchi dunyo,
Otang ketdi qadding qib kamon.

ADOLAT

Dunyoda bir soʻz bor haqning qarori
Va anga tobedir jamiki millat.

Haqiqat jamoli, hurlik sharori,
Adolat, adolat, yana adolat.

Ne-ne sinovi bor koʻhna dunyoning,
Kimlardir oh chekdi, kim qildi toqat.
Eng oliy hakami degum vijdonning,
Adolat, adolat, yana adolat.

Quyuq tuman tushsa ketar tarqalib,
Ezgulik in qursa abad farogʻat.
Shu soʻz-la turgisi keng jahon qalqib,
Adolat, adolat, yana adolat.

Mudom koʻngillarni zabt etmoq kerak,
Na-da giyoh kerak, na-da tabobat.
Bitta tirkak kerak, haqiqiy tirkak,
Adolat, adolat, yana adolat.

Soʻzlarim roʻyomas, emasdir havas
Va yana oʻylamang birovga oq xat.
Elning mardlari bor toabad oʻlmas,
Adolat, adolat, yana adolat.

MUNDARIJA

Rustam Musurmon. Tonggi maktub.....	3
Ona diyorim.....	5
Adiblar xiyoboni.....	7
Yong'ir.....	9
Boysun.....	10
“Ilhom berar qishloqning hatto...”.....	11
Bolalik.....	12
Pog'ona.....	13
Kechirgin, ona.....	14
Jannat istasam.....	16
Ota.....	17
“Dil g'ashlanar, ko'zda yosh qalqir...”.....	18
Cho'ponning uyi.....	19
Bilmabman.....	20
Bekor-da.....	21
Shirin tuyg'u.....	22
Sog'inib yashayman.....	23
Qishlog'im.....	24
“Tor ko'ksimning dil lavhiga...”.....	25
Bolalikni eslab.....	26
She'riyat.....	27
O'tkan kunlar.....	28
Kam bo'lmasin.....	30
Muhabbat.....	32
Bori bilan.....	33
Yor-yor.....	34
Toshdagi sado.....	35

Muhabbatning bog'ida.....	36
O'lsam kerak.....	38
Qadrdon.....	39
Egildim.....	40
Maktub.....	41
"Men sevgidan vafo ko'rdim...".....	44
Sog'inch.....	45
"Yuz yil yashashimiz kerak, shubhasiz...".....	46
Ko'nglim o'zingda.....	47
Asr sevgisi.....	48
"Men ham bir muhabbat dallisi...".....	49
Anglash.....	50
"Eshitdim, Surxonda gullabdi o'rik...".....	52
Adolat.....	53

Muharrir: D. Mingpoyeva
 Badiiy muharrir: F. Ermatov
 Sahilalovchi: X. Zaxarov
 Musahhir: Sh. Hakimova

Uzbekiston Yozuvchilar Ittifoqi
 "ADABIYOT NASHRIYOTI" MCHJ

Nashriyot litsenziyasi: AI № AA 0043. 27.01.2020.
 100129, Toshkent shahri, Markaz-15. 1990.
 ☎ (98) 128-30-04 e-mail: mashkent-press@mail.ru

Bosilgan 20.11.2020-yilda taxlat etildi.
 Oset dog'oz. Gog'oz ichimi: 70x90 / 32.
 Oset bosma. Hisob-nashriyot 1.1.25.
 Ahadi: 10000 nusxa. Buyurtma №341.

"AXMIR NASHR PRINT" MCHJ boshqaruvida chop etildi.
 100200, Toshkent shahri, Abdham Rahmat ko'chasi, 10-uy.

UO'K: 821.512.133-1(081)

KBK: 83.3(50'zb)

F 14

F 14 Fayoz, Yahyoxon.

Baxtimizning zar tumorlari [matn]: *she'rlar/*
– Toshkent: "Adabiyot" nashriyoti, 2020. – 56 b.

Adabiy-badiiy nashr

Yahyoxon FAYOZ

BAXTIMIZNING ZAR TUMORLARI

She'rlar

Muharrir: *D. Mingboyeva*

Badiiy muharrir: *F. Ermatov*

Sahifalovchi: *N. Soatov*

Musahhih: *Sh. Hakimova*

O'zbekiston Yozuvchilar uyushmasi
"ADABIYOT NASHRIYOTI" MCHJ

Nashriyot litsenziyasi: AI № AA 0043. 27.01.2020.

100129, Toshkent shahri, Markaz-15. 1/90.

☎ (98) 128-30-04. e-mail: mashkhur-press@mail.ru

Bosishga 20.11.2020-yilda ruxsat etildi:

Ofset qog'oz. Qog'oz bichimi: 70x90^{1/32}.

Ofset bosma. Hisob-nashriyot t. 1,25.

Adadi: 10000 nusxa. Buyurtma №341.

"AZMIR NASHR PRINT" MCHJ bosmaxonasida chop etildi.
100200, Toshkent shahri, Adham Rahmat ko'chasi, 10-uy.



Yahyo Fayoz (Yahyoxon Fayozov)
1988-yil 23-noyabrda Surxondaryo
viloyatining Boysun tumanida
tug'ilgan. O'zbekiston davlat san'at
va madaniyat institutini
tamomlagan. 2017-yilda Respublika
yosh ijodkorlarining Zomin seminari
ishtirokchisi.

YAHYO FAYOZ

BAXTIMIZNING ZAR TUMORLARI

"ADABIYOT"
NASHRIYOTI

ISBN 978-9943-6472-82



9 789943 6472 82